

唐李長吉詩集二卷

唐隴西李賀長吉父著

天上謠

天河夜轉漂迴星銀浦流雲學水聲玉宮桂
樹花朱落仙妾採香垂珮纓秦妃卷簾北牕
曉牕前植桐青鳳小王子吹笙鵝管長呼龍
耕烟種瑤草粉霞紅綬藕絲裙青洲步拾蘭
茗春東指羲和能走馬海塵新生石山下

浩歌

南風吹山作平地帝遣天吳移海水王母桃
花千遍紅彭祖巫咸幾迴死青毛驄馬參差
錢嬌春楊柳含細烟箏人勸我金屈卮神血
未疑身問誰不須浪飲丁都護世上英雄本
無主買絲繡作平原君有酒唯澆趙州土漏
催水咽玉蟾蜍衛娘髮薄不勝梳看見秋眉
換新綠二十男兒那刺促

秋來

桐風驚心壯士苦衰燈絡緯啼寒素誰看青
簡一編書不遣花蟲粉空蠹思牽今夜腸應
直雨冷香魂吊書客秋墳鬼唱鮑家詩恨血
千年土中碧

帝子歌

洞庭帝子一千里涼風鴈啼天在水九節菖
蒲石上死湘神彈琴迎帝子山頭老桂吹古

香雌龍怨吟寒水光沙浦走魚白石郎閑取
真珠擲龍堂

秦王飲酒

秦王騎虎遊八極劍光照空天自碧羲和敲
日玻璃聲劫灰飛盡古今平龍頭瀉酒邀酒
星金槽琵琶夜枵枵洞庭雨脚來吹笙酒酣
喝月使倒行銀雲櫛櫛瑤殿明宮門掌事報
一更花樓玉鳳聲嬌獍海綃紅文香淺清黃

鵝跌舞千年觥仙人燭樹蝟烟輕清琴醉眼
淚泓泓

洛姝真珠

真珠小娘下青郭洛苑香風飛綽綽寒髮斜
釵玉燕光高樓唱月敲懸璫蘭風桂露洒幽
翠紅絃裏雲咽深思花袍白馬不歸來濃蛾
疊柳香脣醉金鵝屏風蜀山夢鸞裾鳳帶行
烟重八驄籠晃臉差移日絲繁散曛羅洞市

南曲陌無秋涼楚腰衛髮四時芳玉喉窸窣
排空光牽雲曳雪留陸郎

李夫人

紫皇宮殿重重開夫人飛入瓊瑤臺綠香繡
帳何時歇青雲無光宮水咽翩聯桂花墜秋
月孤鸞驚啼商絲發紅壁闌珊懸珮璫歌臺
小妓遙相望玉蟾滴水鷄人唱露華蘭葉參
差光

走馬引

我有辭鄉劍玉鋒堪截雲襄陽走馬客意氣
自生春朝嫌劍花淨暮嫌劍光冷能持劍向
人不解持照身

湘妃

筠竹千年老不死長伴秦娥蓋湘水蠻娘吟
弄滿寒空九山靜綠淚花紅離鸞別鳳烟梧
中巫雲蜀雨遙相通幽愁秋氣上青楓涼夜

波間吟古龍

南園一

花枝草蔓眼中開
小白長紅越女腮
可憐日暮媽香落
嫁與春風不用媒

南園二

宮北田塍曉氣酣
黃桑飲露窳官簾
長腰健婦偷攀折
將餒吳王八繭蠶

南園三

竹裏繰絲挑網車
青蟬獨噪日光斜
挑膠迎夏香琥珀
自課越儂能種瓜

南園四

三十未有二十餘
白日長飢小甲蔬
橋頭長老相哀念
因遺戎韜一卷書

南園五

男兒何不帶吳鉤
收取關山五十州
請君暫上凌煙閣
若箇書生萬戶侯

南園六

尋章摘句老雕虫，曉月當簾挂玉弓。
不見年年遼海上，文章何處哭秋風。

南園七

長卿牢落悲空舍，曼倩譎諧取自容。
見買若耶溪水劍，明朝歸去事猿公。

南園八

春水初生乳燕飛，黃蜂小尾撲花歸。
窻含遠

色通書幌魚擁香鈎近石磯

南園九

泉沙奕隊鴛鴦暖，曲岸回篙舴艋遲。
瀉酒木蘭椒葉蓋，病容扶起種菱絲。

南園十

邊壤今朝憶蔡邕，無心裁曲臥春風。
舍南有竹堪書字，老去溪頭作釣翁。

南園十一

長巒谷口倚嵇家白晝千峯老翠華自履藤
鞋收石密手牽苔絮長蕤花

南園十二

松溪黑水新龍卵桂洞生硝舊馬牙誰遣虞
卿裁道帔輕綃一疋染朝霞

小樹十三

小樹開朝逕長茸濕夜煙柳花驚雪浦麥雨
漲溪田古剎踈鍾度遙嵐破月懸沙頭敲石

火燒竹照漁舡

金銅仙人辭漢歌 并序

魏明帝青龍元年八月詔宮官牽車西取
漢孝武捧露盤仙人欲立置殿前宮官旣
坼盤仙人臨載乃潛然淚下唐諸王孫李
長吉遂作金銅仙人辭漢歌

茂陵劉郎秋風客夜聞馬嘶曉無跡盡攔桂
樹懸秋香三十六宮土花碧魏官牽車指千

里東關酸風射眸子空將漢月出宮門憶君
清淚如鉛水衰蘭送客咸陽道天若有情天
亦老攜盤獨出月荒涼渭城已遠波聲小

古悠悠行

白景歸西山碧華上迢迢今古何處盡千歲
隨風颺海波變成石魚沫吹秦橋空光遠流
浪銅柱從年消

黃頭郎

黃頭郎撈攏去不歸南浦芙蓉影愁紅獨自
垂水弄湘娥珮竹啼山露月玉瑟調青門石
雲濕黃葛沙上靡蕪花秋風已先發好持掃
羅薦香出鴛鴦氍

馬詩一

龍脊貼連錢銀蹄白踏烟無人織錦韉誰為
鑄金鞭

其二

李長吉詩 卷二
臘月草根甜天街雪似鹽未知口硬軟先凝
疾藜銜

其三

忽憶周天子驅車出玉門鳴騶辭鳳苑赤驥
最承恩

其四

此馬非凡馬房星本是星向前敲瘦骨猶自
帶銅聲

其五

大漠沙如雪燕山月似鉤何當金絡腦快走
踏清秋

其六

饑卧骨查牙麤毛刺破花鬣焦朱色落髮斷
鋸長麻

其七

西母酒將闌東王飯已乾君王若燕去誰為

李長吉詩入二卷
九
拽車轆

其八

赤兔無人用當須呂布騎吾聞果下馬羈策
任蠻兒

其九

颼叔去忽忽如今不羨龍夜來霜壓棧駿骨
折西風

其十

催榜渡烏江神駢泣向風君王今解劔何處
逐英雄

其十一

內馬賜宮人銀鞵刺麒麟午時鹽坂上躡蹠
溘風塵

其十二

批竹初攢耳桃花未上身他時須攪陣牽去
借將軍

其十三

寶玦誰家子長聞俠骨香堆金買駿骨將送
楚襄王

其十四

香樸赭羅新盤龍威鎧鱗迴看南陌上誰道
不逢春

其十五

不從桓公獵何能伏虎威一朝溝隴出看取

拂雲飛

其十六

唐劍斬隋公拳毛屬太宗莫嫌金甲重且去
提颺風

其十七

白鐵剉青禾碓聞落細莎世人憐小頸金將
畏長牙

其十八

伯樂向前看旋毛在腹間祇今培白草何日
驀青山

其十九

蕭寺馱經馬元從竺國來空知有善相不鮮
走章臺

其二十

重圍如燕尾寶劍似魚腸欲求千里脚先采
眼中光

其二十一

暫繫騰黃馬仙人上綵樓須鞭玉勒吏何事
謫高州

其二十二

汗血到王家隨鸞撼玉珂少君騎海上人見
是青驪

其二十三

武帝愛神仙燒金得紫烟廐中皆肉馬不鮮

上青天

申胡子感策歌 并序

曰申胡子朔客之蒼頭也朔客李氏本亦世家子得祀江夏王廟當年踐履失序遂奉官北郡自稱學長調短調久未知名今年四月吾與對舍於長安崇義里遂將衣質酒命予合飲氣熱杯闌因謂吾曰李長吉爾徒能長調不能作五字歌詩直強迴筆

端與陶謝詩勢相遠幾里吾對後請撰申胡子感策歌以五字斷句歌成左右人合譟相唱朔客大喜擎觴起立命花銀出幕徘徊拜客吾問所宜稱善平弄於是以弊辭配聲與予為壽

顏熱感君酒含嚼蘆中聲花娘簾綏妥休睡芙蓉屏誰截太平管列點排空星直貫開花風天上驅雲行今夕歲華落令人惜平生心

事如波濤中坐時時驚朔客騎白馬劔弑懸
蘭纓俊健如生孫肯拾蓬中螢

老夫採玉歌

採玉採玉須水碧琢作步搖徒好色老夫飢
寒龍為愁藍溪水氣無清白夜雨岡頭食秦
子杜鵑口血老夫淚藍溪之水馱生人身死
千年恨溪水斜山栢風雨如嘯泉脚挂繩青
裊裊村寒白屋念嬌嬰古臺石磴懸腸草

傷心行

咽咽學楚吟病骨傷幽素秋姿白髮生木葉
啼風雨燈青蘭膏歇落照飛娥舞古壁生凝
塵羈魂夢中語

湖中曲

長眉越沙採蘭若桂葉水蒨春漠漠橫船醉
眠白晝閑渡口梅風歌扇薄燕釵玉股照青
渠越王嬌郎小字書蜀紙封巾報雲髮晚漏

李長吉詩入二卷
壺中水淋盡

黃家洞

雀步感沙聲促促四尺角弓青石鏃黑幡三
點銅鼓鳴高作猿啼搖箭箠綵巾纏跣幅半
斜溪頭簇墜映葛花山潭晚霧吟白鼉竹蛇
飛蠹射金沙閑驅竹馬緩歸家官軍自殺容
州槎

屏風曲

蝶棲石竹銀交關水凝綠鴨瑠璃錢團迴六
曲抱膏蘭將鬢鏡上擲金蟬沉香火煖茱萸
烟酒觥綰帶新承歡月風吹露屏外寒城上
烏啼楚女眠

南山田中行

秋野明秋風白塘水漻漻蟲嘖嘖雲根苔蘚
山上石冷紅泣露嬌帝色荒畦九月稻叉牙
蟄螢低飛隴逕斜石脉水流泉滴沙鬼燈如

漆照松花

貴主征行樂

奚騎黃銅連鎖甲羅旗香幹金畫葉中軍留
醉河陽城嬌嘶紫燕踏花行春營騎將如紅
玉走馬梢鞭上空綠女垣素月角唧唧牙帳
未開分錦衣

酒罷張大徹索贈詩張初効潞幕

長鬣張郎三十八天遣裁詩花作骨往還誰

是龍頭人公主遣秉魚須笏水行青草上白
衫匣中章奏密如蚕金門石閣知卿有鷹角
雞香早晚含隴西長吉摧頽客酒闌感覺中
區窄葛衣斷碎趙城秋吟詩一夜東方白

羅浮山父與葛篇

依依宜織江雨空雨中六月蘭臺風博羅老
仙時出洞千歲石牀啼鬼工蛇毒濃凝洞堂
濕江魚不食銜沙立欲剪箱中一尺天吳娥

莫道吳刀澁

仁和里雜叙皇甫湜
湜新尉陸渾

大人乞馬癯乃寒宗人貧宅荒厥垣橫庭鼠
逕空土澁出籬大棗垂珠殘安定美人截黃
綬脫落纓裾瞑朝酒還家白筆未上頭使我
清聲落人後枉辱稱知犯君眼排引纜陞強
絙斷洛風送馬入長關闔扇未開逢禦犬那
知堅都相草草客枕幽單看看春老歸來骨薄

面無膏疫氣衝頭髮莖少欲雕小說干天官
宗孫不調為誰憐明朝下元復西道崆峒叙
別長如天

宮娃歌

蟄光高懸照紗空花房夜擣紅守宮象口吹
香毵毵暖七星挂城聞漏板寒入呆魚殿影
昏彩鸞簾額著霜痕啼蛄吊月鈎欄下屈膝
銅鋪鏤阿甄夢入家門上沙渚天河落處長

李長吉詩八二卷
州路願君光明如太陽放妾騎魚撒波去

堂堂

堂堂復堂堂紅脫梅灰香十年粉蠹生畫梁
飢蟲不食摧碎黃蕙花已老桃葉長禁院懸
簾隔御光華清源中礬石湯徘徊白鳳隨君
王

勉愛行二首送小季之廬山

洛郊無俎豆弊廐慚老馬小鴈過鑪峯影落

楚水下長船倚雲泊石鏡秋涼夜豈辨有鄉
情弄月聊鳴啞

別柳當馬頭官槐如兔目欲將千里別持我
易斗粟

南雲北雲空脉斷靈臺經絡懸春綫青軒樹
轉月滿林下國飢兒夢中見維爾之昆二十
餘年來持鏡頗有鬚辭家三載今如此索米
王門一事無荒溝古水光如刀庭南拱柳生

蟬螿江干幼客真可念郊原曉吹悲號號

致酒行

零落棲遲一杯酒主人奉觴客長壽主父西
遊困不歸家人折斷門前柳吾聞馬周昔作
新豐客天荒地老無人識空將牋上兩行書
直犯龍顏請恩澤我有迷魂招不得雄鷄一
聲天下白少年心事當拏雲誰念幽寒坐鳴
呃

長歌續短歌

長歌破衣襟短歌斷白髮秦王不可見旦夕
成內熱渴飲壺中酒飢投隴頭粟淒淒四月
闌千里一時綠夜峯何離離明月落石底徘
徊沿石尋照出高峰外不得與之遊歌成鬢
先改

公莫舞歌 并序

公莫舞歌者詠項伯翼蔽劉沛公也會中

壯士灼灼於人故無復書且南北樂府率
有歌引賀陋諸家今重作公莫舞歌云

方花古礎排九楹刺豹淋血盛銀鬕華筵鼓
吹無桐竹長刀直立刻雞箏橫楣龕錦生紅
緯日灸錦媽王未醉腰下三看寶玦光項莊
掉箭欄前起材官小臣公莫舞座上真人赤
龍子芒碭雲端抱天迴咸陽王氣清如水鐵
樞鐵槩重束關大旗五丈幢雙鏤漢王今日

頒秦印絕臏剗腸臣不論

昌谷北園新笋一

籜落長竿削玉開君看母笋是龍材更容一
夜抽千尺別却池園數寸泥

其二

砍取青光寫楚辭膩香春粉黑離離無情有
恨何人見露壓烟啼千萬枝

其三

家泉石眼兩三莖曉看陰根紫陌生今年水
曲春沙上笛管新篁拔玉青

其四

古竹老梢惹碧雲茂陵歸臥歎青貧風吹千
畝迎雨嘯鳥重一枝入酒樽

惱公

宋玉腸空斷嬌嬈粉自紅歌聲春草露門掩
杏花叢注口櫻桃小添眉桂葉濃曉奩粧秀

靨夜帳減香筒鈿鏡飛孤鵲江圖畫水滙陂
陀梳碧鳳腰裊帶金蟲杜若含清露河蒲聚
紫茸月分娥黛破花合靨朱融髮重疑盤霧
腰輕乍倚風寄書題豈惹隱語笑芙蓉莫鎖
茱萸匣休開翡翠籠弄珠驚漢燕燒蜜引胡
蜂醉纈拋紅網單羅挂綠蒙數錢教姪女買
藥問巴寶勻臉安斜鴈移燈想夢熊腸攢非
束竹弦急是張弓晚樹迷新蝶殘蛻憶斷虹

古時填渤海今日鑿崆峒
繡沓寒長幔羅裙
結短封心搖如舞鶴骨
出似飛龍井檻淋清
漆門鋪綴白銅隈花開
兔逕向壁印孤蹤玳
瑁釘簾薄琉璃疊扇烘
象牀綠素栢瑤席卷
香葱細管吟朝幌芳醪
落夜楓宜男生楚巷
梳子發金墉龜甲開屏
澁鵝毛滲墨濃黃庭
留衛瓘綠樹養韓馮雞
唱星懸柳鷓啼露滴
桐黃娥初出坐寵妹始
相從蠟淚垂蘭燼秋

蕪掃綺櫳吹笙翻舊引
沽酒待新豐短佩愁
填粟長絃怨削崧曲池
眠乳鴨小閣睡娃僮
褥縫蓼雙綫鉤縞辮五
驄蜀煙飛重錦峽雨
濺輕容拂鏡羞溫嶠薰
衣避賈充魚生玉藕
下人在石蓮中含水鸞
蛾翠登樓濕馬鬣使
君居曲陌園令住臨邛
桂火流蘇暖金爐細
炷通春遲王子態鶯囀
謝娘慵玉漏三星曙
銅街五馬逢犀株防膽
怯銀液鎮心忪跳脫

看年命琵琶道吉凶王時應七夕夫位在三
宮無力塗雲母多方帶藥翁符因青鳥送囊
用絳紗縫漢苑尋官柳河橋闕禁鍾月明中
婦覺應笑畫堂空

感諷一

合浦無明珠龍洲無木奴足知造化力不給
使君須越婦未織作吳蚕始蠕蠕縣官騎馬
來獍色虬紫鬚懷中一方板板上數行書不

因使君怒馬得詣爾廬越婦拜縣官今
尚小會待春日宴絲車方擲掉越婦通言語
小姑具黃梁縣官踏食去簿吏復登堂

感諷二

奇俊無少年日車何躡躡我待紆雙綬遺我
星星髮都門賈生墓青蠅久斷絕寒食垂楊
天憤景長肅殺皇漢十二帝唯帝稱睿哲一
夕信豎兒文明永淪歇

感諷三

南山何其悲鬼雨灑空草長安夜半秋風剪
春姿老低迷黃昏逕裊裊青櫟道月午樹立
影一山唯白曉漆炬迎新人幽壙螢擾擾

感諷四

星盡四方高萬物知天曙已生須已養荷檐
出門去君平久不反康伯遁國路旣思何饒
諛闐闐千人語

感諷五

石根秋水明石畔秋草瘦侵衣野竹香蟄蟄
垂葉厚岑中月歸來蟾光掛空秀桂露對仙
娥星星下雲逗淒涼梔子落山壘泣清漏下
有張仲蔚披書案將朽

三月過行宮

渠水紅繁擁御墻風嬌小葉學娥粧垂簾幾
度青春老堪鎖千年白日長

追和何謝銅雀妓

佳人一壺酒秋容滿千里石馬卧新烟憂來
何所侶歌聲且潜弄陵樹風自起長裾壓高
臺泪眼看花機

送秦光祿北征

北虜膠堪折秋沙亂曉鼓聳髯胡頻犯塞驕氣
侶橫霓灞水樓船渡營門細柳開將軍馳白
馬豪彥騁雄材箭射攬槍落旗懸日月低榆

稀山易見甲重馬頻嘶天遠星光沒沙平草
葉齊風吹雲路火雪汙玉關泥屢斷呼韓頸
曾燃董卓臍太常猶舊寵光祿是新階寶玦
騏驎起銀壺佛沆啼桃花連馬發絲絮撲鞍
來呵臂懸金斗當脣注玉壘清蘇和碎蟻紫
膩卷浮盃虎鞞先蒙馬魚腸且斷犀趁羶西
旅狗感額北方奚守帳燃香暮看鷹永夜棲
黃龍就別鏡青塚念陽臺周處長橋役侯調

短弄哀錢塘階鳳羽正室擘鸞釵內子攀琪
樹羗兒奏落梅今朝擎劔去何日刺蛟迴

酬答一

金魚公子夾衫長密裝腰鞞割玉方行處春
風隨馬尾柳花偏打內家香

酬答二

雍州二月梅池春御水鵝鵲暖白蘋試問酒
旗歌板地今朝誰是拗花人

畫角東城

河轉曙蕭蕭鷗飛睥睨高帆長標越甸壁冷
掛吳刀淡菜生寒日鮪魚濕白濤水花沾抹
額旗鼓夜迎潮

謝秀才有妾編練改從於人秀才引留
之不得後生感憶座人製詩嘲諷賀復

繼

其一

誰知泥憶雲望斷梨花春荷絲製機練竹葉
剪花裙月明啼阿姊燈暗會良人也識君夫
婿金魚掛在身

其二

銅鏡立青鸞燕脂拂紫綿腮花弄暗粉眼尾
泪侵寒碧玉破不復瑤琴重撥絃今日非昔
日何人敢正看

其三

洞房思不禁蜂子作花心灰暖殘香炷髮冷
青虫簪夜遙燈焰短睡熟小屏深好作鴛鴦
夢南城罷擣碓

其四

尋常輕宋玉今日嫁文鴛戟幹橫龍簾刀環
倚桂窻邀人裁半袖端坐據胡牀泪濕紅輪
重栖烏上井梁

李長吉詩集二卷

二十七

李長吉詩集二卷終

